

Na osnovu člana 69. Zakona o visokom obrazovanju "Službene novine Kantona Sarajevo" Sl.novine br.36/22) i člana 111. Statuta Univerziteta u Sarajevu broj: 01-14-35-1/23 od 26.07.2023. godine, Vijeće Univerziteta u Sarajevu – Muzičke akademije, na 21. sjednici održanoj dana 27.09.2023. godine donosi

PRAVILNIK O NAGRAĐIVANJU

Član 1.

Ovim Pravilnikom reguliše se postupak i kriteriji za dodjeljivanja nagrada, priznanja i zahvalnice Univerziteta u Sarajevu – Muzičke akademije.

Član 2.

Nagrade, priznanja i zahvalnice Univerziteta u Sarajevu – Muzičke akademije dodjeljuju se za posebna postignuća koja ne proističu iz radnih dužnosti i obaveza, kao i funkcija koje se obnašaju, a predstavljaju značajan doprinos Univerzitetu u Sarajevu – Muzičkoj akademiji u pogledu sticanja, podizanja i unapređenja akademskog, stručnog i društvenog renomea, doprinosa poboljšanju tehničko-materijalnog kapaciteta, kao i podizanju kvaliteta i efikasnosti djelovanja Univerziteta u Sarajevu – Muzičke akademije.

Član 3.

Prijedloge kandidata za nagrade dostavljaju dekan, pojedinci i/ili odsjeci (putem šefova odsjeka) Komisiji za nagrade i priznanja Univerziteta u Sarajevu – Muzičke akademije do kraja septembra za dodjelu godišnje nagrade za tekuću akademsku godinu.

Komisiju za nagrade i priznanja Univerziteta u Sarajevu – Muzičke akademije (u daljem tekstu: Komisija) imenuje Vijeće Univerziteta u Sarajevu – Muzičke akademije na mandatni period od dvije godine.

Komisija ima pet (5) članova od kojih je jedan dekan, dva nastavnika u naučno-nastavnom zvanju redovnog ili vanrednog profesora i 2 nastavnika u umjetničko-nastavnom zvanju redovnog ili vanrednog profesora koji su zaposleni na Univerzitetu u Sarajevu – Muzičkoj akademiji.

Komisija razmatra kandidature, te sastavlja konačnu listu predloženih kandidata koji ispunjavaju uslove propisane ovim Pravilnikom, te istu proslijeđuje Vijeću Univerziteta u Sarajevu – Muzičke akademije na potvrđivanje.

Komisija, pored konačne liste predloženih kandidata iz prethodnog tava, utvrđuje kandidate Univerziteta u Sarajevu – Muzičke akademije za Nagradu za umjetnički rad UNSA.

Član 4.

Vrste nagrada, priznanja i zahvalnica

NAGRADE ZA ŽIVOTNI DOPRINOS

1. NAGRADA ZA ŽIVOTNI DOPRINOS UNIVERZITETU U SARAJEVU – MUZIČKOJ AKADEMIJI

Dodjeljuje se nastavnicima i višim umjetničkim saradnicima, koji su na Univerzitetu u Sarajevu – Muzičkoj akademiji djelovali najmanje deset godina te ostvarili svoje pravo na mirovinu kao zaposlenici Univerziteta u Sarajevu – Muzičke akademije.

2. PRIZNANJE ZA DOPRINOS UNIVERZITETU U SARAJEVU – MUZIČKOJ AKADEMIJI

Dodjeljuje se nastavnicima i stručnjacima iz prakse angažiranim na Univerzitetu u Sarajevu – Muzičkoj akademiji u kontinuitetu u periodu najmanje pet godina. Nagrada se dodjeljuje nakon isteka angažmana.

3. GODIŠNJA NAGRADA ZA NASTAVNIKE UNIVERZITETA U SARAJEVU – MUZIČKE AKADEMIJE

Dodjeljuje se:

1) Nastavnicima u umjetničko-nastavnom zvanju docenta, vanrednog profesora ili redovnog profesora čiji su studenti u prethodnoj akademskoj godini osvojili nagrade na domaćim ili međunarodnim takmičenjima iz umjetničkih oblasti za koje je nastavnik izabran i koje je aktivno predavao u prethodnoj akademskoj godini.

Ukoliko pravilnik o dodjeljivanju nagrada predmetnog umjetničkog takmičenja podrazumijeva više dobitnika jedne od nagrada, priznaje se samo plasman na poziciju laureata i/ili plasman studenta za prve tri pozicije prvog mjesta.

Ukoliko pravilnik umjetničkog predmetnog takmičenja podrazumijeva po jedno prvo, drugo i treće mjesto (s mogućnošću dijeljenja jednog mesta na maksimalno dva dobitnika), priznaje se plasman studenta na bilo koju od prve tri pozicije.

2) Nastavnicima u naučno-nastavnom zvanju docenta, vanrednog profesora i redovnog profesora pod čijim su mentorstvom studenti objavili recenzirani naučni, pregledni ili stručni rad, ili sudjelovali u reenziranim skupovima (simpozijima, konferencijama i sl.) u zemlji i inostranstvu.

4. GODIŠNJE PRIZNANJE ZA DOPRINOS STRUCI

Dodjeljuje se zaposlenom i angažovanom osoblju Univerziteta u Sarajevu - Muzičke akademije koji su u svojstvu inicijatora/voditelja/organizatora projekta pod pokroviteljstvom i/ili u partnerstvu s Univerzitetom u Sarajevu – Muzičkom akademijom uspješno realizirali umjetnički/naučni/umjetničko-istraživački/naučno-istraživački/vanakademski pedagoški projekt ili inicijativu u tekućoj akademskoj godini, te čija je realizacija ispunila najmanje jedan od sljedećih kriterija:

- a) Doprinos u proširenju/unapređenju stručno-umjetničkog i/li stručno-naučnog i/li tehničko-materijalnog kapaciteta Univerziteta u Sarajevu – Muzičke akademije.
- b) Popularizaciju rada i djelovanja Univerziteta u Sarajevu – Muzičke akademije u ciljnoj grupi potencijalnih budućih studenata Muzičke akademije i javnosti.
- c) Popularizaciju rada i djelovanja Univerziteta u Sarajevu – Muzičke akademije kapitalnim projektima koji bitno doprinosi javnoj vidljivosti Univerziteta u Sarajevu – Muzičke akademije.

5. GODIŠNJE PRIZNANJE PARTNERSKIM INSTITUCIJAMA I POJEDINCIMA

Dodjeljuje se institucijama i pojedincima koji su u partnerstvu/saradnji sa Univerzitetom u Sarajevu – Muzičkom akademijom uspješno realizirali umjetnički/naučni/umjetničko-istraživački/naučno-istraživački/vanakademski pedagoški projekt, čija je realizacija ispunila najmanje jedan od sljedećih kriterija:

- a) Doprinos u proširenju/unapređenju stručno-umjetničkog i/li stručno-naučnog i/li tehničko-materijalnog kapaciteta Univerziteta u Sarajevu – Muzičke akademije.
- b) Popularizacija rada i djelovanja Univerziteta u Sarajevu – Muzičke akademije u ciljnoj grupi potencijalnih budućih studenata Muzičke akademije.
- c) Popularizaciju rada i djelovanja Univerziteta u Sarajevu – Muzičke akademije kroz učešće u kapitalnim projektima, koji bitno doprinosi javnoj vidljivosti Univerziteta u Sarajevu – Muzičke akademije.

6. ZAHVALNICE DONATORIMA

Dodjeljuju se privatnim institucijama i pojedincima koji su rad i djelovanje Univerziteta u Sarajevu – Muzičke akademije podržali donacijama ili podrškom u finansijskom ili tehničko-materijalnom obliku. Odluku o dodjeljivanju zahvalnica donosi dekan UNSA - Muzičke akademije.

7. NAGRADA ZA VANNASTAVNI DOPRINOS RADU UNIVERZITETA U SARAJEVU - MUZIČKE AKADEMIJE

Nagrada se dodjeljuje za vannastavni angažman studenata svih ciklusa studija i alumnia, kojim su svojim radom značajno doprinjeli djelovanju i funkciranju Univerziteta u Sarajevu -Muzičke akademije. Odluku o dodjeljivanju Nagrade za vannastavni doprinos radu Univerziteta u Sarajevu - Muzičke akademije donosi dekan Univerziteta u Sarajevu – Muzičke akademije, samostalno ili na prijedlog odsjeka.

Član 5.

Ovaj Pravilnik stupa na snagu danom doošenja, a bit će objavljen na oglasnoj tabli Univerziteta u Sarajevu – Muzičke akademije.

DEKAN:



Sarajevo, 23.09.2023. godine
Bbroj: 02-1-721/7-23